

Tulaga e tatau ona e silafia mo se Sauniga Faaipoipoga

Ua le toe faia sauniga faaipoipoga i ofisa a le resitala ma ua faamatuu atu i se fai faaipoipoga faamauina tutoatasi ua faamaonia e le Ofisa Aso Fanau, Maliu ma Faaipoipoga.

O lo o faavasegaina atu i lalo Tuutuuga & Aiaiga e faatino i ai se sauniga faaipoipoga. **Afai e le fetaui faatulagana ua faia ma tulaga o e manao i ai, e tatau ona e faatonu se sauniga patino mo oe ma se fai faaipoipoga.**

Faamolemole faatalanoa tulaga o e manao i ai ma le tau faaee atu mo tapenaga o le sauniga.

- E tatau ona faataunu sauniga faaipoipoga i le va o le 9am ma le 5pm Aso Gafua i le Aso Faraille, e lē aofia ai vaitaimi o faigamalologa mo le Kirisimasi/Tausaga Fou.
- E faia sauniga faaipoipoga e tusa ma tulaga masani ina ia ausia tulaga moomia faaletulafono mo faaipoipoga.
 - E faia foi tautoga i luga o tulaga masani.
- E tatau ona e faafesootaia muamua le fai faaipoipoga a o le i faatonuina se aso, e mautinoa ai o lo o avanoa i le aso o faamoemoe e te faaipoipo ai. E fautuaina lou faafesootai i ai a o le i amata tau le lua vaiaso mai le aso e faaipoipo ai.
- E moomia aso faigaluega e tolu mo le fia faagaioia o lau pepa faaipoipo.
- E iai le tau faaee atu faatulagaina mo sauniga faaipoipoga.
 - E tatau ona totogi sa'o atu i le fai faaipoipoga, a o le i aulia le aso e faaipoipo ai.
 - E lē faatagaina se fai faaipoipoga ona faaee atu se tau e totogi mo femalagaiga po o tau faaopoopo.
- E moomia lou faailoa o se ata e faamaonia ai lou tagata a o le i amatalia le sauniga. E lē mafai ona fai le sauniga seiloga ua siaki muamua faamaoniga nei.
- E tatau ona faia le faaipoipoga i se nofoaga i totonu o le 10km le mamao mai le nofoaga e maua ai se fai faaipoipoga faamauina na e filifilia.
 - Faamolemole faatalanoa ma le fai faaipoipoga se nofoaga talafeagai.
 - O lau matafaioi le faatonu ma totogi le nofoaga e fai ai, e pei o le tau e fai ai i se malae mo tafaoga e totogi i le pulega faalotoifale.
- E lē mafai ona faatonu se sauniga faaipoipoga e silia ma le tolu masina e faatalitali ai.
- E gata le toatele o le au valaaulia o se sauniga faaipoipoga i le 10, e aofia ai ma molimau e toalua.
 - E moomia molimau e toalua.
- E lē mafai ona faia se sauniga faaipoipoga i se nofoaga mo faaipoipoga po o se nofoaga mo faatasiga, e pei o se faletalimalo po o se faleaiga.
- E lē atoa le 20 minute e faia ai se sauniga faaipoipoga mai le taimi na faatonuina e fai ai le sauniga. E aofia ai ma le taimi e tauto ma saini ai pepa.
- E lē mafai ona aafia nisi tagata e ese mai le fai faaipoipoga i se sauniga faaipoipoga. E aofia ai le faatonu faaipoipoga, Fofoga o le Aso, pu'e ata po o le pu'e video. E lē aofia i se sauniga faaipoipoga aumeamamiae

A fia faatalosagaina se sauniga faaipoipoga, tagai i le marriages.services.govt.nz

**Tatala le itulau faaopoopo e faitau ai
Tuutuuga & Aiaiga ma le faamatalaga tusia
mo le sauniga**

Taiala faavae o tulaga ua faaleaogāina ma tulaga ua tuai ai

- E i ai le faamoemoe e te taunu mai i le taimi faatulagaina. A tuai ona e taunu, e ono moomia le toe faatonu o se isi taimi.
- E ono taofi e le fai faaipoipoga le tupe na totogi i ai pe a silia ma le 15 minute o faatali oe.
- E mafai ona taatia le tupe na totogi i le fai faaipoipoga pe afai na oulua (le ulugalii) faaleaogāina le sauniga mo le taimi na faaalu e tapena ai le lua sauniga.

Sainia o le Pepa Talosaga mo se Avanoa

E ono talosagaina oe e le fai faaipoipoga e saini le pepa talosaga mo se avanoa, e faailoa ai ua e faitau ma ua e malie i Tuutuuga & Aiaiga o sauniga faaipoipoga.

Sauniga patino

A faapea e lē talafeagai se sauniga faaipoipoga ma tulaga o e manao i ai, e sili ai se sauniga patino mo tulaga tonu o e manao i ai. E te lua galulue faatasi ma le fai faaipoipoga e faataunu le sauniga i le faiga o e manao i ai, ia patino ma ou manaoga, aganuu ma isi faiga.

E mafai ona fai se sauniga patino i se nofoaga o e manao i ai. E mafai ona fai i soo se aso o le vaiaso, e aofia ai faiuga o vaiaso ma aso malolo faalemaloo. E mafai ona fai i soo se taimi e te manao ai. E esese totogi mo le fai faaipoipoga ma tulaga o se auaunaga mo sauniga patino. E tāua le faatalanoa o tulaga nei a o le i faamautu se fai faaipoipoga.

Faaliliuga

O lau matafaioi le saili o se faamatalaupu pe afai e lē malamalamo le fai faaipoipoga, ulugalii, ma/po o molimau i le gagana e tasi.

A o le i amatalia le sauniga, e tatau i le faamatalaupu ona saini le **Tautinoga na te faaliliuina le sauniga faaipoipoga po o se sauniga faaipoipoga itupa tutusa.** E maua le tautinoga i le upegatafailagi a le malo. E moomia ona saini e le fai faaipoipoga le tautinoga.